

Forfatter: Helgesen, Poul

Titel: Udrag fra Chronicon Skibyense

Citation: Helgesen, Poul: "Skrifter af Paulus Helie 6. Bind / ved Marius Kristensen og Hans Ræder. - 1937 Udgivet af Det Danske Sprog- og Litteraturselskab", i Helgesen, Poul: *Skrifter af Paulus Helie 6. Bind / ved Marius Kristensen og Hans Ræder. - 1937 Udgivet af Det Danske Sprog- og Litteraturselskab*, 1932-1948, s. 92. Onlineudgave fra Arkiv for Dansk Litteratur: <https://tekster.kb.dk/catalog/adl-texts-helg06val2-shoot-idm140415584975936/facsimile.pdf> (tilgået 26. april 2024)

Anvendt udgave: *Skrifter af Paulus Helie 6. Bind / ved Marius Kristensen og Hans Ræder. - 1937 Udgivet af Det Danske Sprog- og Litteraturselskab*

iecta rogam concremari fecit. Adeo estuabat furore ac tyrannide sanguinarium illud pectus, ut non sine-  
ret ulla superesse illorum reliquias, cum tamen iam  
recenter ab eisdem communibus suffragiis assump-  
tus atque electus fuisset in principem, dominum ac  
regem totius regni Suetie, diademateque eiusdem  
regni insignitus.

Nec hac immanitate contentus, etiam sub corona  
fecit confiscari uniuersam ipsorum possessionem,  
fraudatis in hoc heredibus, multis etiam nobilibus  
domicellis ac feminis una cum filiis infantibus in  
captiuitatem ductis, que etiam usque ad illius fugam  
in captiuitate detinebantur. Nec alio spectabat aua-  
rissimus princeps, quam ut unus omnium possessi-  
ones sibi uindicaret. Nam biennio ante fugam exe-  
git perpetuo iure duos aureos nummos singulis an-  
nis recipiendos a singulis totius regni agricolis, ad  
quorumcunque siue ecclesiasticorum siue procerum  
prophanorum ius uiderentur pertinere. Cuius fero-  
ciam adeo tunc horrebant quidam ex regni consili-  
ariis, ut priusquam regiam arcem conscenderent,  
admissa confiterentur peccata, formidine capitis aut  
carceris, ni consentirent regis imperio. Ab illo nan-  
que die, cum non fieret uoti compos, cepit moliri  
in perniciem omnium procerum tam sacrorum quam  
prophanorum totius regni Datie. Nec dubium, si  
impiis illius conatibus successisset, quin omnes nos  
aut nunc essemus de miseranda Rutenorum serui-  
tute, aut Bohemica scelestissima factione. Insuper  
uniuersos regni Datie nobiles, equitesauratos, ac  
alios in armis claros uiros, grauissima exactione af-  
flixerat, seu potius expilauerat, interim nec parcens

nobilibus uiduis, uirginibus ac mulieribus, quibus non magis parcitum est, quam seruilibus mancipiis. Quinetiam preter ius et decorum, sola tyrannica potestate fretus, priuauit eosdem suis priuilegiis, libertatibus atque debitis honoribus, quibus a principio gausi fuerant maiores ipsorum. Atque hec omnia fecit contra iurisiurandi fidem nobis et regno promissam, obsignatos quoque sue electionis atque coronationis libellos.

10 Adhec nullo unquam honore dignatus est ecclesiasticos uiros, regni prelatos, consules ac magistratus, equitesauratos atque alios in armis strenuos uiros. Sed magis per impiam ac maleficam quandam feminam, concubine sue matrem, Sigisbertam nomine (omnibus regni proceribus autoritate, estimatione, honore ac dignitate antepositam) magno dedecore eosdem affecerat, que fuerat eidem regi maxima  
15 dictorum ac dicendorum causa, atque consilium ad alia impietatis crudelitatisque facinora in eiusdem  
20 regis atque omnium regni inquilinorum perpetuum dispendium. Vnde consilio eiusdem femine flagitiosissime, idem rex promouerat, atque honore et potestate extulerat homines nequam, sycophantas ac nebulones seruilis condicionis supra uniuersos regni  
25 consules ac nobiles, quos etiam regni castris, ditionibus ac feudis preceperat. Inde uiri nobiles et stemmatibus clari uidebantur, imo uere erant oppressi, despecti atque contempti.

Ad hunc etiam modum uiolenta potestate, contra  
30 iusiurandum, transtulit a Concilio ac regni magistratu fidem atque conseruationem castrorum, ditionum et eiusdem regni feudorum, in uxoris sue, libero-